



Na osnovu člana 15. Zakona o Upravi za indirektno oporezivanje ("Službeni glasnik BiH", broj 89/05) i člana 61. stav 2. Zakona o upravi ("Službeni glasnik BiH", br. 32/02 i 102/09), direktor Uprave za indirektno oporezivanje donosi

U P U T S T V O

O IZMJENI UPUTSTVA O PROVOĐENJU POSTUPKA PO KARNETU TIR

Član 1. (Predmet)

U Uputstvu o provođenju postupka po karnetu TIR ("Službeni glasnik BiH", broj 2/10), član 31. mijenja se i glasi:

"Član 31.

(TIR-EPD - prethodna elektronska
deklaracija o podacima iz karneta TIR)

(1) Imalac karneta TIR, putem internetske aplikacije TIR-EPD (prethodna elektronska deklaracija - Electronic Pre-Declaration), može podnijeti prethodnu elektronsku deklaraciju o podacima iz karneta TIR (u daljnjem tekstu: TIR-EPD) carinskom uredu i to:

- a) polaznom carinskom uredu u kojem se otvara karnet TIR za robu koja se otprema iz BiH,
- b) graničnom ulaznom usputnom carinskom uredu, pri ulasku robe u carinsko područje BiH uz upotrebu karneta TIR.

(2) Ako imalac karneta TIR carinskom uredu iz stava (1) ovog člana podnese TIR-EPD, podaci iz odnosnog karneta TIR za kojeg je podnesen TIR-EPD nalazit će se u informacionom sistemu UIO, koje podatke taj ured provjerava slažu li se s podacima iz podnijetog odnosnog papirnog karneta TIR, te dalje provodi postupak po karnetu TIR kako je propisano ovim uputstvom.

(3) Ako se podaci iz TIR-EPD-a ne slažu s podacima iz podnijetog odnosnog papirnog karneta TIR, važeći su podaci iz papirnog karneta TIR, u kom slučaju postupajući carinski ured treba u informacionom sistemu UIO u aplikaciji TIR izvršiti promjene u skladu s podacima iz papirnog karneta TIR.

(4) Kada imalac karneta TIR carinskom uredu iz stava (1) ovog člana podnese papirni karnet TIR i robu, a ne i TIR-EPD, taj ured ne može iz tog razloga odbiti karnet TIR, nego po istom provodi postupak kako je propisano ovim uputstvom.

(5) Način podnošenja TIR-EPD-a, odnosno upotreba internetske aplikacije TIR-EPD i druga pitanja vezana za elektronsku obradu TIR-EPD-a u informacionom sistemu UIO, regulisat će Sektor za informacione tehnologije UIO posebnim tehničkim uputstvom."

Član 2.

(Stupanje na snagu)

Ovo Uputstvo stupa na snagu osmog dana od dana objavljivanja u "Službenom glasniku BiH", a primjenjuje se od 01. oktobra 2011. godine.

Broj: 01-02-2-1864/11

V.D. DIREKTOR

Datum: 27.09.2011. godine

mr.sc. MIRO DŽAKULA